

傷寒論實義

五

番外書册

| | | | | |
|----|---|---|-------|-----|
| | | | 二四九七一 | 和書門 |
| 一 | 六 | 七 | 一 | |
| 五册 | 一 | 七 | 一 | 類 |
| | 架 | 函 | 號 | |

| | | | | |
|---|---|---|---|---|
| 庫 | 文 | 閣 | 內 | |
| 九 | 二 | 四 | 九 | 和 |
| 五 | 九 | 七 | 一 | 書 |
| 函 | | | | |
| 九 | 五 | 七 | 一 | |
| 架 | 册 | 號 | 類 | |

| | |
|------|---------|
| 內閣文庫 | |
| 番號 | 和 24971 |
| 冊數 | 5 (5) |
| 函號 | 195 211 |

醫療撮養



淺草文庫

傷寒論實義卷之五

皇和 江戸 早川宗安著

早川宗安

岡部玄佑 同校


内野順菴

越後 梨本賢順

辨太陰脉證并治第十

太陰之為病腹滿而吐食不下自利益甚時腹自痛若下之必胸下結鞭

傷寒論實義卷之五 太陰篇 一 復陽堂藏板



此章言於太陰之部位為病者也夫太陰者陰
大盈陽飲之端而其變生裏者也陰盈故腹滿陽
虧而負陰欲發趨上而為吐也有此變故食不
下其陰陽爭戰而陰強劇故趨下而自利益甚
陽惡陰滯而衝之故時腹自痛以其有腹滿若
誤下之則陽縮迫結于胸下為鞭也

太陰中風四肢煩疼陽微陰澀而長者為欲愈○

太陰病欲解時從亥至丑上○太陰病脈浮者可

發汗宜桂枝湯○自利不渴者屬太陰以其藏有

寒故也當溫之宜服四逆輩

此章言雖自利有陰症陽症也夫陰激陽飲者

雖因其爭戰為自利必無渴矣此胃家藏寒之

證而屬太陰者也當溫之宜服四逆輩

傷寒脈浮而緩手足自溫者繫在太陰太陰當發

身黃若小便自利者不能發黃至七八日雖暴煩

下利日十餘行必自止以脾家實腐穢當去故也

此章雖發病於表位繫陰位有為急劇之證故

以傷寒言之也夫脈浮者病在表浮而緩者中



人身言... 風證而必發熱可汗出然手足溫而身無熱者
裏陽虧而陰盈從是始之微而雖表證繫在太
陰也太陰證者陰盈而陽覆之蒸鬱故身當發
黃若小便自利則陰脫漏故不能發黃也
本太陽病醫反下之因爾腹滿時痛者屬太陰也
桂枝加芍藥湯主之

此章言因誤下屬陰位者也本太陽病者以發
散解治療之法也而反下之則陽虧于內陰從
而盈故為腹滿欬陽欲退故有時痛也此屬太

陰故曰桂枝加芍藥湯主之也

大實痛者桂枝加大黃湯主之

此章言陽內籠屈復與盈陰凝結而大實痛也
可速和下之桂枝加大黃湯之所主也

太陰為病脈弱其人續自便利設當行大黃芍藥
者宜減之以其人胃氣弱易動故也

此辨少陰病脈證并治第十一
 少陰之為病脈微細但欲寐也
 此章言於少陰之部位為病者也少陰者陽虧
 縮退矣陰盈激而揜之故其人但欲寐使脈為
 微細者也而寒者其脈必微也而利者其脈必
 少陰病欲吐不吐心煩但欲寐五六日自利而渴
 者屬少陰也虛故引水自救若小便色白者少陰
 病形悉具小便白者以下焦虛有寒不能制水故
 令色白也

此辨少陰病脈證并治第十一
 少陰之為病脈微細但欲寐也

此章言於少陰之部位為病者也少陰者陽虧
 縮退矣陰盈激而揜之故其人但欲寐使脈為
 微細者也而寒者其脈必微也而利者其脈必
 少陰病欲吐不吐心煩但欲寐五六日自利而渴
 者屬少陰也虛故引水自救若小便色白者少陰
 病形悉具小便白者以下焦虛有寒不能制水故
 令色白也



此章言陽欬而屬少陰者也陽欬陰盈則細
陽戰激陰欲吐無力現欲吐不吐之證陽縮
蒙故心煩但欲寐也陰盈而五六日自利者仍
欬而細陽籠縮焉上而生渴者也至其甚者
下焦缺虧而寒陰多故小便色白此少陰病悉
具也
病人脈陰陽俱緊反汗出者以陽也此屬少陰法
當咽痛而復吐利
此章言雖似陽證屬陰位者也病人脈陰陽俱

緊者汗不可出而反汗出者陰盈陽欬故失其
機而漏出此屬少陰也少陰者雖陽退惡陰盈
欲戰而鼻上不能發而為陰所掩而降下也此
法當咽痛而吐利痛吐之間以而字意義深長
可玩味

少陰病欬而下利譫語者被火氣劫故也小便必
難以強責少陰汗也
少陰病脈細沈數病為在
裏不可發汗
少陰病脈微不可發汗亡陽故也
陽已虛尺脈弱瀋者復不可下之
少陰病脈緊

至七八日自下利脉暴微手足反温脉紧反去者為欲解也雖煩下利必自愈

此章言自陰復陽者也少陰病脉緊者陽勢未竭至七八日陰激盈則自下利此陽虧而手足當厥冷而反温者因下利寒陰去復陽而為欲解也

少陰病下利若利自止惡寒而踈卧手足温者可治
○少陰病惡寒而踈時自煩欲去衣被者可治
少陰中風脉陽微陰浮者為欲愈
○少陰病欲解

時從子至寅上
○少陰病吐利手足不逆冷反發熱者不死脉不至者灸少陰七壯
○少陰病八九日一身手足盡熱者以熱在膀胱必便血也
○少陰病但厥無汗而強發之必動其血未知從何道出或從口鼻或從目出是名下厥上竭為難治
○少陰病惡寒身踈而利手足逆冷者不治
○少陰病吐利躁煩四逆者死
○少陰病下利止而頭眩時時自冒者死
○少陰病四逆惡寒而身踈脉不至不煩而躁者死
○少陰病六七日息高者死
○

少陰病脉微細沈但欲卧汗出不煩自欲吐至五六日自利復煩躁不得卧寐者死○少陰病始得之及發熱脉沈者麻黃附子細辛湯主之

麻黃附子細辛湯方 麻黃二兩 細辛二兩 附子一枚

右三味以水一斗先煮麻黃減二升去上沫內藥煮取三升去滓溫服一升日三服

此章言陽欲未縮退者也夫陰盈陽虧之病始得之者復陽有欲誅陰之勢也此麻黃附子細

辛湯之所主治也

少陰病得之二三日麻黃附子甘艸湯微發汗以二三日無裏證故微發汗也

麻黃附子甘艸湯方

麻黃二兩 甘艸二兩 附子一枚

右三味以水七升先煮麻黃一兩沸去上沫內諸藥煮取三升去滓溫服一升日三服

此章恐脫文也竊按言陰盈陽欲而縮退者也亦以他證之意觀此章之藥方當表證深陰盈

之證也

少陰病得之二三日以上心中煩不得卧黃連阿

膠湯主之

黃連阿膠湯方

黃連 四兩

黃芩 一兩

芍藥 二兩

雞子黃 二枚 阿膠 三兩

右五味以水五升先煮三物取二升去滓內膠烱
盡小冷內雞子黃攪令相得溫服七合日三服
此章言陰盈陽欽縮迫而復欲發者也少陰之

病得之二三日陽欽縮迫而遂籠于少陽其將

發則心中煩不得卧也可速和其陽黃連阿膠

湯之所主也

少陰病得之一二日口中和其背惡寒者當灸

之附子湯主之

附子湯方

附子 二枚

茯苓 三兩

人參 二兩

白朮 四兩

芍藥 三兩

右五味以水八升煮取三升去滓溫服一升日三

服

此章言陽欲縮迫而為急危者也少陰病得之一二日陰盈激陽為是所揜縮迫而不能發而欲焯故口中和如常其背惡寒也當灸之而溫矣附子湯之所主治也

少陰病身體痛手足寒骨節痛脈沈者附子湯主之

此章言陽欲縮迫而復欲發者也少陰病身體痛骨節痛者此微陽戰盈陰故也其手足寒脈

沈者本是病深故也可速救其陽即附子湯之所主治也


少陰病下利便膿血者桃花湯主之

桃花湯方

赤石脂一斤 乾姜一兩 粳米一斤

右三味以水七升煮米令熟去滓溫服七合內赤石脂末方可七日三服若一服愈餘勿服

此章言微陽欲發而勢盡者也虧陽為盈陰所揜縮籠而不能發焉其勢竭而為下利故使膿



血者也可速和之救之即桃花湯之所主治也
少陰病二三日至四五日腹痛小便不利下利不
止便膿血者桃花湯主之
此章言虧陽與盈陰戰焉其勢竭者也少陰病
二三日至四五日陰盈益甚陽欬而雖內縮惡
陰相戰故為腹痛小便不利下利不止故陽勢
相合而出便膿血可速救之即桃花湯之所主
治也

少陰病下利便膿血者可刺○少陰病吐利手足

厥冷煩燥欲死者吳茱萸湯主之

此章言因吐利屬厥陰者也少陰病陰盈激烈
者陽禦之無力以細勢相戰逆動而自吐利其
虧益甚縮迫而退裏欲絕故其人手足厥冷煩
躁欲死者也此可速救之即吳茱萸湯之所主
治也

少陰病下利咽痛胸滿心煩者猪膚湯主之

猪膚湯方

猪膚一斤

傷寒論實義卷五 少陰篇 十 復陽堂藏板

右一味以水一斗煮取五升去滓加白蜜一升白粉五合熬香和相得温分六服

此章藥方未詳疑是後人所加也故抹之

少陰病二三日咽痛者可與甘艸湯不差者與桔梗湯

甘艸湯方

甘艸 二兩

右一味以水三升煮取一升半去滓温服七合日二服

桔梗湯方

桔梗 一兩 甘艸 二兩

右二味以水三升煮取一升去滓分温再服

此章言陰有緩凝者也少陰病二三日欬縮之陽雖鼻上而欬發為盈陰揜之不能發則咽痛也此可速緩其緊迫即所與甘艸湯也若不差者陰液凝粘而不和者也此可速緩散其實即可與桔梗湯也

少陰病咽中傷生瘡不能語言聲不出者苦酒湯

傷寒論實義卷五

主之 陰欲結者也陽欬而迫裏遂鼻上而欲

苦酒湯方

半夏十四枚 雞子一枚

右二味內半夏著苦酒中以雞子殼置刀環中安火上令三沸去滓少少含嚥之不差更作三劑

此章言陰為凝結者也陽欬縮而迫裏雖鼻上而欲發盈陰揜之不能發遂留于咽中凝結而生瘡為是痛而不能語言声不出者也此可速和其凝結半夏苦酒湯之所主之也

少陰病咽中痛半夏散及湯主之

半夏散及湯方

半夏桂枝甘草 已上各等分

已上三味各別擣篩已合治之白飲和服方寸匕日三服若不能散服者以水一升煎七沸內散兩方寸匕更煎三沸下火令小冷少少嚥之

此章言陰欲結者也陽欬而迫裏遂鼻上而欲發盈陰揜之而將凝結故咽中痛也此可速和其陽緩其陰半夏散及湯所主之也

傷寒論實義卷五

少陰篇

十二

復陽堂藏板

傷寒論卷五

少陰病下利白通湯主之

白通湯方

葱白四莖

乾姜一兩

附子一枚

右三味以水三升煮取一升去滓分温再服

此章言陰盈甚宛迫而下利者也

少陰病下利脉微者與白通湯利不止厥逆無脉

乾嘔煩者白通加猪膽汁湯主之服湯脉暴出者

死微續者生

白通加猪膽汁方

葱白四莖

乾姜一兩

附子一枚

人尿五合

猪膽汁一合

已上三味以水三升煮取一升去滓内膽汁人尿

和令相得分温再服若無膽亦可用

此章言自少陰至厥陰者也下利脉微者此陰

盈陽虛者也與白通湯復其陽若利不止厥逆

無脉乾嘔煩者陽縮急迫欲絕而至厥陰者也

可速導之白通加猪膽汁湯所主之也

少陰病二三日不已至四五日腹痛小便不利四

傷寒論卷五

少陰篇

十三

復陽堂藏板

肢沈重疼痛自下利者此為有水氣其人或欬或
小便利或下利或嘔者真武湯主之


真武湯

茯苓三兩 芍藥三兩 生姜三兩

白朮二兩 附子一枚

右五味以水八升煮取三升去滓溫服七合日三
服後加減法若欬者加五味半斤細辛乾姜各一
兩若小便利者去茯苓若下利者去芍藥加乾姜
二兩若嘔者去附子加生姜足前成半斤

此章言自輕至重者也少陰病二三日不已至
四五日陰盈益厚陽雖虧以發其勢相戰為腹
痛也裏陽失機小便不利微陽與盈陰相爭故
四肢沈重疼痛自下利其陽雖欲發陰揜之故
不能發其變昇少陽則或咳或嘔者也此可速
追其陰救其陽此真武湯之所主治也
少陰病下利清穀裏寒外熱手足厥逆脈微欲絕
身反不惡寒其人面赤色或腹痛或乾嘔或咽痛
或利止脈不出者通脈四逆湯主之



仁壽言身重難移

通脉四逆湯方

甘草二兩 附子一枚 乾姜三兩

右三味以水三升煮取一升二合去滓分温再服其脉即出者愈後加減法面色赤者加葱九莖腹中痛者去葱加芍藥二兩嘔者加生姜二兩咽痛者去芍藥加桔梗一兩利止脉不出者去桔梗加人參二兩

此章言自少陰至厥陰者少陰病陰盈陽虧證其劇者裏陽失機飲食不化而下利清穀為是

仍陽虧脫甚故手足厥逆脉微欲絕此自裏退表故裏寒外熱身反不惡寒其人面赤色也微陽與盈陰相戰故在裏則或腹痛鼻少陽則或乾吧咽痛又雖利止陽不廻而脉不出者此可速緩其緊迫救之即通脉四逆湯之所主治也少陰病四逆其人或欬或悸或小便不利或腹中痛或泄利下重者四逆散主之

四逆散方

甘草枳實柴胡芍藥

傷寒論實義卷五

少陰篇

十五

復陽堂藏板

傷寒論卷五

右四味各十分搗篩白飲和服方寸七日三服後
加減法欬者加五味子乾姜各五分并主下利悸
者加桂枝五分小便不利者加茯苓五分腹中痛
者加附子一枚泄利下重者先以水五升煮薤白
三升煮取三升去滓以散三方寸匕內湯中煮取
一升半分溫再服
少陰病下利六七日欬而嘔渴心煩不得眠者猪
苓湯主之

此章言雖病在陰位緩而陽欲發者也少陰病

虧陽盈陰之證下利六七日未至厥陰陽欲發
昇少陽相戰則欬而嘔渴心煩不得眠也此可
速去其陰猪苓湯之所主治也

少陰病得之二三日口燥咽乾者急下之宜大承
氣湯

此章言雖陰位陽厚者也少陰病得之二三日
陽雖虧其勢厚故不下利遂內實而口燥咽乾
者也忽之則急危而致不可治焉可速下之和
其陽審其證宜行大承氣湯

傷寒論卷五

少陰篇

十六

復陽堂藏板

少陰病自利清水色純青心下必痛口乾燥者急下之宜大承氣湯

此章言雖陰位陽勢厚者也少陰病盈陰虧陽者自利雖利陽厚而迫裏故其變蒸鬱而下純青者也急下之而和其陽即宜行大承氣湯

少陰病六七日腹脹不大便者急下之宜大承氣湯


此章言陰位而病緩者也少陰病雖經六七日陽厚故不致厥陰遂實裏而不大便陰益盈而

腹脹滿者也急下之可去其陰和其陽即所宜大承氣湯也

少陰病脈沈者急溫之宜四逆湯

入口則吐心中溫溫欲吐復不能吐始得之手足寒脈弦遲者此胸中實不可下也當吐之若膈上有寒飲乾嘔者不可吐也急溫之宜四逆湯

此章言於陰位陽有厚薄者也少陰病陰盈陽虧證而陽雖微其勢厚則昇少陽而欲發其陰相戰故上逆而飲食入口則吐心中溫々欲吐



作身言... 壽... 五

復不能吐此虧陽以無力也始得此證手足寒
脉弦遲者陰陽從凝而胸中實不可下之吐之
而可去其陰和其陽也若心中不温膈上有寒
飲乾吧者此虧陽仍薄不可吐之急可温之故
其陽所宜四逆湯也
少陰病下利脉微澀嘔而汗出必數更衣反少者
當温其上灸之

大寒... 宜... 灸... 湯... 也

辨厥陰病脉證并治第十二

厥陰之為病消渴氣上衝心中疼熱饑而不欲
食食則吐蚘下之利不止

此章言於厥陰之部位為病者也厥陰者陽氣
縮迫而將消絕者也故內液竭而不潤為是消
竭矣盈陰激滿虧陽究極而欲盡再振細勢其
氣上撞心中疼熱胃中絕穀氣雖饑逆動而
不能食也

厥陰中風脉微浮為欲愈不浮為未愈

傷寒論實義卷五 厥陰篇 十八 復陽堂藏板

此章雖陽絕之證病緩者故以厥陰中風言之也夫脉浮者病發表此陽旋迴而為欲愈之兆也若不浮則勞縮而不發迴此亦欲愈之兆也厥陰病欲解時從丑至卯上○厥陰病渴欲飲水者少少與之愈○諸四逆厥者不可下之虛家亦然○傷寒先厥後發熱而利者必自止見厥復利○傷寒始發熱六日厥反九日而利凡厥利者當不能食今反能食者恐為除中食以索餅不發熱者知胃氣尚在必愈恐暴熱來出而復去也後三

日脉之其熱續在者期之且日夜半愈所以然者本發熱六日厥反九日復發熱三日并前六日亦為九日與厥相應故期之且日夜半愈後三日脉之而脉數其熱不罷者此為熱氣有餘又作癰膿也○傷寒脉遲六七日而反與黃芩湯徹其熱脉遲為寒今與黃芩湯復除其熱腹中應冷當不能食今反能食此名除中必死○傷寒先厥後發熱下利必自止而反汗出咽中痛者其喉為痺發熱無汗而利必自止若不止必便膿血便膿血者其

仁身言五...

喉不痺○傷寒一三日至三四日而厥者必發熱
前熱者後必厥厥深者熱亦深厥微者熱亦微厥
應下之而反發汗者必口傷爛赤○傷寒病厥五
日熱亦五日設六日當復厥不厥者自愈厥終不
過五日以熱五日故知自愈○凡厥者陰陽氣不
相順接便為厥厥者手足逆冷是也○傷寒脈微
而厥至七八日膚冷其人躁無暫安時者此為藏
厥非為虵厥也虵厥者其人當吐虵令病者靜而
復時煩此為藏寒虵上入膈故煩須臾復止得食

而嘔又煩者虵聞食臭出其人當自吐虵虵厥者
烏梅圓主之又主久利方

烏梅圓方

烏梅三百個細辛六兩乾姜十兩黃連一觔
當歸四兩附子六兩蜀椒四兩桂枝六兩
人參六兩黃蘗六兩

右十味異擣篩合治之以苦酒漬烏梅一宿去核
蒸之五升米下飯熟擣成泥和藥令相得內臼中
與蜜杵二千下圓如梧桐子大先食飲服十圓日

傷寒論實義卷五 厥陰篇 二十 復陽堂藏板

三服稍加至二十圓禁生冷滑物臭食等○傷寒
熱少厥微指頭寒默默不欲食煩躁數日小便利
色白者此熱除也欲得食其病為愈若厥而嘔胸
脇煩滿者其後必便血○病者手足厥冷言我不
結胸小腹滿按之痛者此冷結在膀胱關元也○
傷寒發熱四日厥反三日復熱四日厥少熱多其
病當愈四日至七日熱不除者其後必便膿血○
傷寒厥四日熱反三日復厥五日其病為進寒多
熱少陽氣退故為進也○傷寒六七日脈微手足厥

冷煩躁灸厥陰厥不還者死○傷寒發熱下利厥
逆躁不得卧者死○傷寒發熱下利至甚厥不止
者死○傷寒六七日不利便發熱而利其人汗出
不止者死有陰無陽故也○傷寒五六日不結胸
腹濡脈虛復厥者不可下此為亡血下之死○發
熱而厥七日下利者為難治○傷寒脈促手足厥
逆者可灸之

此章有急危之證故以傷寒言之也厥陰證脈
促手足厥逆者陽縮迫而欲絕者也此灸之可

仁果言五寶壽考五

速救其陽

傷寒脉滑而厥者裏有熱也白虎湯主之

此章言虧陽縮屈緊迫而籠內焰鬱而不能發

者也夫厥也者脉可微細沈今以滑故知有裏

熱此可速和之即白虎湯之所主治也

手足厥寒脉細欲絕者當歸四逆湯主之

當歸四逆湯方

當歸三兩桂枝三兩芍藥三兩細辛二兩

大棗二十五個甘艸二兩通草二兩

右七味以水八升煮取三升去滓温服一升日三服

此章言陽縮迫緊急者也手足厥寒脉細欲絕

者陽縮細急迫而為上衝者也此可緩和其陽

當歸四通湯主之也

若其人內有久寒者宜當歸四逆加吳茱萸生姜

湯主之

此章言前章證而內有久寒之變者也此可速

治其變不然則陽虧脫而消矣也當歸四通加

傷寒論實義卷五

厥陰篇

二十二

復陽堂藏板

仁壽言五經卷五
吳茱萸生薑湯所主之也
大汗出熱不去內拘急四肢疼又下利厥而惡寒者四逆湯主之

此章言陰陽脫表裏虧欬而至厥陰者也陽欬陰盈證者陽欬發與陰相戰雖大汗出陰變在裏故其熱不去陽仍欬縮而屈內為拘急四肢疼陰變益盛故又下利因下利其陽內虧欲外脫惡寒者也此可速溫其裏救其陽四逆湯之所主也

大汗若大下利而厥冷者四逆湯主之
此章言陰陽脫表裏虧欬而將殯者也
大汗若大下利陽脫甚而為厥冷者可速救之即四逆湯之所主治也

病人手足厥冷脈乍緊者邪結在胸中心中滿而煩饑不能食者病在胸中當須吐之宜吐葴散
此章言陽欬縮退而籠少陽者也凡病人陰盈陽欬證緊迫而不旋迴與穀氣相合而為變故手足厥冷脈乍緊者也此邪結在胸中也欬陽

究縮而籠裏故心中滿而煩饑不能食者也此為病在胸中當須吐之宜行瓜蒂散也

傷寒厥而心下悸者宜先治水當服茯苓甘草湯部治其厥不然水漬入胃又作利也

此章有急危之證故以傷寒言之也陰盈劇而

陽欲虧縮裏欲發無力究迫故厥而心下悸也

宜先治其水和其陽此所當服茯苓甘草湯也

傷寒六七日大下後寸脈沈而遲手足厥逆下部脈不至咽喉不利唾膿血泄利不止者為難治麻

黃升麻湯主之

麻黃升麻湯方

麻黃二兩半升麻一兩一分當歸一兩一分

知母黃芩萎蕤各十八銖石膏白朮乾姜芍藥

天門冬桂枝茯苓甘草各六銖

右十四味以水一斗先煮麻黃一兩沸去上沫內諸藥煮取三升去滓分溫三服相去如炊三斗米頃令盡汗出愈○傷寒四五日腹中痛若轉氣下趣少腹者此欲自利也○傷寒本自寒下盤復吐

仁壽言

下之寒格更逆吐下若食入口即吐乾姜黃連黃芩人參湯主之

乾姜黃連黃芩人參湯方三兩時去故或三兩乾姜三兩黃連三兩黃芩三兩人參三兩

右四味以水六升煮取二升去滓分溫再服

此章有急劇之證故以傷寒言之陰盈陽缺證

陰寒本自下墜謬察復吐下之此寒格者更為

逆吐下故格氣上通而食入口即吐也乾姜黃

連黃芩人參湯所主之也

下利有微熱而渴脉弱者令自愈

微熱汗出令自愈設復緊為未解

冷無脉者灸之不溫若脉不還反微喘者死

此章言陰陽俱內竭至厥陰者也可灸之以救

其陽

少陰負趺陽者為順也

自濡者必清膿血

脹滿

此章言病屬陰位者雖有表證不可攻之也陰

傷寒論實義卷五

厥陰篇

二十五

復陽堂藏板

盈陽欬者穀不化下利清穀者以陽勢內竭有
 鼻上而現表證若誤攻其表則津液外出其陽
 籠裏與陰相合而又為脹滿也下文未行出必
 下利脉沈弦者下重也脉大者為未止脉微弱數
 者為欲自止雖發熱不死○下利脉沈而遲其人
 面少赤身有微熱下利清穀者必鬱冒汗出而解
 病人必微厥所以然者其面戴陽下虛故也○下
 利脉數而渴者令自愈設不差必清膿血以有熱
 故也○下利後脉絕手足厥冷時脉還手足溫
 者生脉不還者死○傷寒下利日十餘行脉反實
 者死○下利清穀裏寒外熱汗出而厥者通脉四
 逆湯主之

此章言陽脫而至厥陰者也陰盈陽欬證下利
 清穀其人裏寒外熱汗出而厥者此欲陽盡也
 可速救之通脉四逆湯之所主治也

白頭翁湯方
 白頭翁二兩黃連三兩黃蘗三兩秦皮三兩

右四味以水七升煮取二升去滓溫服一升不愈更服一升

此章言陽內脫而至厥陰者也陰盈者陽虧縮滯在內而不能發則熱利下重也此宜和其陽白頭翁湯之所主也

下利腹脹滿身體疼痛者先溫其裏乃攻其表溫裏四逆湯攻表桂枝湯

此章言陰盈而在表裏證也下利腹脹滿者裏陰盈激也身體疼痛者虧陽欲發而現表證也

此不可攻其表當先溫其裏溫裏宜四逆湯攻表宜桂枝湯

下利欲飲水者以有熱故也白頭翁湯主之

此章言津液內竭虧陽焰籠者也

下利譏語者有燥屎也宜小承氣湯

此章言因下利脫津液虧陽焰籠而嘆胃物者也

下利後更煩按之心下濡者為虛煩也宜梔子豉

湯

此章言因下利虧陽益損者也此所宜施子豉
湯也更飲此之不瀉者為虛也宜此湯也

嘔家有癰膿者不可治嘔膿盡自愈○嘔而脈弱

小便復利身有微熱見厥者難治四逆湯主之○

乾嘔吐涎沫頭痛者吳茱萸湯主之

此章言虧陽欲發者也陰盈陽欬者其陽厚而

欲發昇少陽則其陰相戰乾嘔吐涎沫頭痛也

此可速去其陰助其陽吳茱萸湯之所主也

嘔而發熱者小柴胡湯主之

此章言虧陽欲發者也陰盈陽欬證而陽厚者

縮屈而在裏欲發則其陰相戰故嘔而發熱者

也小柴胡湯之所主也

傷寒大吐大下之極虛復極汗出者以其人外氣

怫鬱復與之水以發其汗因得噦所以然者胃中

寒冷故也○傷寒噦而腹滿視其前後知何部不

利利之則愈

不與言

傷寒論實義卷之五終
此已下諸方於隨卷本證下雖已有緣止以加減
言之未甚明白似於覽者檢閱未便今復校勘備
列于後○桂枝加葛根湯方葛根肆兩芍藥貳兩
甘草貳兩生姜參兩大棗拾貳枚桂枝貳兩右陸
味以水壹斗先煮葛根減貳升去上沫內諸藥煮
取參升去滓溫服壹升覆取微似汗不須啜粥餘
如桂枝法○桂枝加厚朴杏子湯方於桂枝湯方
內加厚朴貳兩杏仁伍拾個餘依前法○桂枝加
附子湯方於桂枝湯方內加附子壹枚餘依前法

傷寒論實義卷五
二十九 復陽堂藏板

桂枝去芍藥湯方於桂枝湯方內去芍藥餘依前法○桂枝去芍藥加附子湯方於桂枝湯方內去芍藥加附子壹枚餘依前法○桂枝麻黃各半湯方桂枝壹兩拾陸銖芍藥生薑甘艸麻黃各壹兩大棗肆枚杏仁貳拾貳個右柒味以水伍升先煮麻黃壹貳沸去上沫內諸藥煮取壹升捌合去滓溫服陸合○桂枝二麻黃一湯方桂枝壹兩拾柒銖芍藥壹兩陸銖麻黃拾陸銖生薑壹兩陸銖杏仁拾陸箇甘艸壹兩貳銖大棗伍枚右柒味以水伍升

先煮麻黃壹貳沸去上沫內諸藥煮取貳升去滓溫服壹升日再○白虎加人參湯方於白虎湯方內加人參參兩餘依白虎湯法○桂枝去桂加茯苓白朮湯方於桂枝湯方內去桂枝加茯苓白朮各參兩餘依前法煎服小便利則愈○葛根加半夏湯方於葛根湯方內加入半夏半升餘依葛根湯法○梔子甘艸豉湯方梔子豉湯方內加入甘艸貳兩餘依前法得吐止後服○梔子生薑豉湯方梔子豉湯方內加生薑伍兩餘依前法得吐止



不與言

後服○柴胡加芩消湯方小柴胡湯內加芩消陸
兩餘依前法服不解更服○柴胡桂枝湯方桂枝
黃芩人參各壹兩半甘艸壹兩半夏貳合半芍藥
壹兩半大棗陸枚生姜壹兩半柴胡肆兩右玖味
以水柒升煮取參升去滓溫服○附子瀉心湯方
大黃貳兩黃連黃芩各壹兩附子壹枚右肆味切
參味以麻沸湯貳升漬之須臾絞去滓內附子汁
分溫再服○生姜瀉心湯方生姜肆兩甘艸參兩
人參參兩乾姜壹兩黃芩參兩半夏半升黃連壹

兩大棗拾貳枚右捌味以水壹斗煮取陸升去滓
再煎取參升溫服壹升日參服○甘艸瀉心湯方
甘艸肆兩黃芩參兩乾姜參兩半夏半升大棗拾
貳枚黃連壹兩右陸味以水壹斗煮取陸升去滓
再煎取參升溫服壹升日參服○桂枝附子去桂
枝加白朮湯方於桂枝附子湯方內去桂枝加白
朮肆兩餘依桂枝附子湯法○桂枝加大黃湯方
桂枝參兩大黃壹兩芍藥陸兩生姜參兩甘艸貳
兩大棗拾貳枚右陸味以水柒升煮取參升去滓

傷寒論實義卷五

三十一 復陽堂藏板

仁壽言年...

温服壹升日參服○桂枝加芍藥湯方於第二卷
桂枝湯方內更加芍藥參兩通前共陸兩餘依桂
枝湯法服○四逆加吳茱萸生薑湯方當歸參兩
芍藥參兩甘艸貳兩通艸貳兩桂枝參兩細辛參
兩生薑半斤吳茱萸貳升大棗貳拾五枚右玖味
以水陸升清酒陸升和煮取伍升去滓温分伍服
一方水酒○四逆加人參湯方於四逆湯方內加
各肆升人參壹兩餘依四逆湯法服○四逆加猪膽汁湯
方於四逆湯方內加入猪膽汁半合餘依前法服

如無猪膽以羊膽代之

傷寒論實義卷五

三十二

復陽堂藏板

明妃曲 文徵明行書大字

同

聖教序 王羲之之行書

同

梅花十絕 子昂行書

同

問訊帖 米元章草書大字

同

四季讀書樂 徵明行書中字

同

僊音帖 徵明行書大字

同

敬之難見帖 小野道風中字

同

滕王閣詩 廣澤行書大字

同

烏石草書 大字

同

蘭亭記 王羲之之行書

同

龍興寺碑 子昂楷書中字

同

右柏行 杜子美行書大字

同

梅嶺帖 董其昌草書

同

草菴紀遊詩 趙子昂行書

同

十七帖 王羲之書

同

古千字文 王羲之行書

同

漫泉銘 佐理卿中字

同

東江書則 楷書

全一冊

飲中八仙歌 董其昌行書大字

墨竹賦 黃山谷行書

蓬萊帖 米元章行書大字

道澄寺銘 小野道風中字

山光帖 文徵明草書

則聞帖 橘逸勢中字

千字文 趙子昂行書

養生論 東坡行書

多寶佛塔碑 顏真卿楷書中字

唐詩帖 趙子昂行書

古千字文 王羲之行書

筆陣圖 王羲之楷書

少年帖 米元章行書

西苑詩 文徵明行書

萃林帖 董其昌行書

用筆賦 趙子昂行書

安幾破起帖 小野道風中字

席丘詩 東坡行書

天朗帖 王羲之同

青海帖 廣澤書同

蘭亭記 王羲之同

渭水帖 文徵明同

御服之碑 趙子昂同

諸國書狀指 御家未流 橋正敬筆 一冊

全大 右同 華一冊

右に述べたる文を増補し又末に常用字の
大略を記して用文字引兼備の書とす

錦囊醫療秘録 全一冊

玉川道話 全三冊

此は父子兄弟明友士農工商の別を
備へて講し合ひ見ゆて大益あり

四書字引 全一冊

伊勢物語 全二冊

傷寒論實義 全五冊

當用諸文章 御家流 手本向 全一冊

女用書狀指 右同 全一冊

此は南時より用ひ文の上中下の別を
記し女用書状の文は御家下候の文は
まへ取替の文は御家下候の文は
行状の女用書状あり

御家流

